

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXXv. Testimonia Patrum decimæ ætatis, Stephani Heduensis, & Fulberti Carnotensis.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

CAPVT XXXV.

Testimonia Patrum X. ætatis, Stephani Heduen-
sis, & Fulberti Carnotensis.

STEPHANVS Episcopus Heduensis, qui floruit circa annum Domini C M. L. (vt Ioannes Gare-
tius testatur) sic ait in lib. de Sacramento altaris,
cap. 15. (Exstat hic liber tomo 4. Bibliotheca san-
ctorum Patrum) *Itaq; fides nostra est, & verè credendum est,*
quod sacerdore proferēte hac verba, Hoc est corpus meum, iam
*non est panis terrenus, sed ille panis, qui de cælo descendit, me-
diator Dei, & hominum IESVS CHRISTVS.*

FULBERTVS Episcopus Carnotensis vir sanctissimus, &
doctissimus floruit ad finem huius decimæ ætatis. Nam Adel-
mannus Episcopus Brixinensis in epistola ad Berengarium
indicat, se & Berengarium discipulos olim in adolescentia
fuisse sancti senis B. Fulberti, quem suum Socratem appellat.
Si igitur Berengario adolescentulo Fulbertus senex erat, ne-
cessè est Fulbertum floruisse ante annum Domini M. Siquidem
constat Berengarium circa annum Domini M. XL. cum
sua heresi apparere coepisse.

Hic igitur sanctissimus vir in epistola ad Adeodatum, quæ
exaudi solet cum libris Paschaj, sic loquitur: *Quia corpus*
suum, quod semel pro nobis offerebat in precium, paulo post à
nostris visib; sublaturus erat in cælum; ne sublati corporis
fraudaremur presenti munimine corporis nihilominus, & san-
guinis sui pignus salutare nobis reliquit, non inanis mysterij
symbolum, sed compaginante Spiritu sancto corpus Christi ve-
rum, quod quotidiana generatione sub visibilis creatura for-
mainuisibiliter virtus secreta in sacris solenniis operatur. Et
infra: Dubitari nefas est, ut ad cuius nutum cuncta subiò ex
*nihilo substiterunt: separari potentia in spiritualibus Sacra-
mentis terrena materies panis, & in naturam, & meritum gene-*
ris sui transcendens, in Christi substantiam commutetur,
cum ipse dicat; Hoc est corpus meum, Hic
est sanguis meus.

• 69 •

APVT

Rr 2

CAPVT